

Regional News Unit AIR Aizawl

Saturday, December 14, 2024

Time - 7:30 -7:40Hrs

## REGIONAL NEWS BULLETIN

### HEADLINES (MORNING)

- Governor Dr. Hari Babu Kambhampati an hunpui Krismas lo theng turah Aizawl Bishop Most Reverend Stephen Rotluanga chu a chenna Bishop House, Aizawlah tlawhin duhsakna a hlan.
- Chief Minister Pu Lalduhoman hunpui lo thleng tur huphurh hluah hluah chhungkua te thleng phaka sawrkar leh tlawmngai pawlte an kun hniam a tul a ti.
- Mizote hunpui ber Krismas chu kar khat vel lekin a dang tawh a, Aizawl khawpuia chak la thahnem tak pungkhawmin, khawpui pawh a tawt chho hle tawh.



### GOVERNOR

Hunpui lo thleng tur Krismas leh Kumthar pualin Governor Dr. Hari Babu Kambhampati chuan nimin tlai khan Aizawl Bishop Most Reverend Stephen Rotluanga chu a chenna Bishop House, Ramthar Veng, Aizawlah tlawhin duhsakna a hlan.

Dr. Hari Babu Kambhampati chuan zirna leh vantlang rawngbawl kawnga Catholic kohhran-te hmalaknate fakawm a tih thu sawiin, zirna leh hriselnate hi hmasawna kawnga pawimawh tak a ni, a ti a. Mipui tana an rawngbawlnate chhawmning zel turin a sawm a ni.

He hunah hian Bishop Most Reverend Stephen Rotluanga chuan Mizorama an hmalaknate tarlangin, Governor-in a chenna hmun ngeia rawn tlawha duhsakna a hlan avangin lawmthu a sawi bawk.

Most Reverend Stephen Rotluanga hi Catholic Kohhran Aizawl Diocese-a Bishop pahnhna leh Mizo zinga hetiang dinhmun thleng thei awmchhun a ni a; February ni 2, 2002 khan Bishop atan nemngheh a ni.



### POLICE SPORTS MEET

Home Minister Pu K. Sapdangan Mizoram Police Sports Meet vawi 22 kharna hun nimin khan a hmanpui a. He Sports Meet hi tun thla ni 3 khan neih tan a ni a, a kharna inkhawm hi 1st Bn. MAP Ground, Armed Vengah ah neih a ni.

He sports meet-ah hian contingent 12 ah inthen in infiammi sang chuang in sports discipline 18 ah an inel a. PHQ an champion a, Central Range chu pahnhna niin Red Group chu pathumna an ni.

Home Minister hian thusawiin, Mizoram Police chuan ram leh hnam hmelma ruihtheihthil hluar zel tur danna atan tha thlah lo a hma a lak zel thu sawiin, kuminah November thla thlenga ruihhlo leh dan phalloh thil hrang hrang man dan dinhmun tarlangin ram leh mipui him zawkna atana an thawh that chungah lawmthu a sawi. Minister chuan police te tan fitness a pawimawhzia sawiin tunhnaia Mizoram Police ten state chhung leh pawn, India ram pawn thlenga sports discipline hrang hrangah hlawhtlinna an chang thei chu fakawm a ti a. Taksa insawizawina lama intuaitharna leh police ten taksa hrisel an neih theihna tur atan August ni 5 atang khan ‘45 Minutes For All Ranks Of Mizoram Police’ tih lo tan tawh chuan Mizoram Police te taksa fitness-ah leh discipline vawn kawngah pawh hma a tihsawn zel an beisei thu a sawi.

Minister chuan DP&AR in sawrkar hnathawkte hna thawh that leh that loh enna Periodical Review neih dan tur inkaihhraina Office Memorandum a lo chhuah tawh chungchang sawiin, police te pawh fitness programme-in a kaihtawh zawh loh khawp a hna thawk theilo an awm chuan a hun hmaa chawlh tir, premature retirement, thleng pawhin hma kn la zel ang, a ti a ni. Halpuah leh halmawi khapna khauh taka ken kawh a nih tur thu sawi bawkin, a bik takin sawrkar hnathawk te chu he thupek hi bawhchhe lo turin a chah a bawk.



#### MIZORAM SECONDARY SCHOOL GAMES

Tunkar thawhlehi atanga tan Mizoram Secondary School Games wawi 41-na, Kolasib a neih chu nimin khan Kolasib Sports Stadium ah khar a ni a, Assembly Dy Speaker Pu Lalfamkiman he hun hi a hmanpui.

Mizoram Secondary School Games ah hian a pumpuia pakhatna chu Aizawl District niin, anni hian Gold Medal 15; Silver Medal 6 leh Bronze Medal 13, a vaiin Medal 34 an dawng a, pahnihna Lunglei District chuan Gold Medal 8; Silver Medal 8 leh Bronze Medal 4, a vaiin Medal 20 an dawng a, pathumna Mamit District chuan Gold Medal 5; Silver Medal 3 leh Bronze Medal 3, a vaiin Medal 11 dawng in, thlengtu Kolasib District chuan Gold Medal 3; Silver Medal 6 leh Bronze Medal 6, a vaiin Medal 15 an dawng a ni.

Kumina Secondary School Games ah hian District hrang hrang 11 atangin District aiawh zirlai infiammi 950 an tel a, heng zinga 594 chu mipa niin, 356 chu hmeichhia anni a, zirtirtu 98 te chuan zirlaite infiammite hi puibawm in, infiamna item 13 ah intihsiakna an nei a ni.



CM

Chief Minister Pu Lalduhoman hunpui lo thleng tur huphurh hluah hluah chhungkua tam tak an awm thin a; chung mi te thleng phaka sawrkar leh tlawmngai pawlte an kun hniam a tul a ti.

Nimina Serchhip DC Office buatsaih Krismas leh Kumthar luanchhuah programme a hmanpuinaah he thu hi sawiin Chief Minister chuan nun danin a zir loh vang te, hrisel loh leh vanduaia avanga rahbi tleu, hunpui lo thleng tur huphurh hluah hluah chhungkua tam tak an awm thin a ni a ti a, khawtlang hruaitu,

kohhran leh tlawmngai pawlte hnenah mi rethei tanpui tura chona siamin mahni veng leh khuaah ngaihsakna dawng ngailo an awm a nih chuan Lal Isua zirtirna an bawhchhia a ni, a ti.

Serchhip Town area a Village Council 14 atangin mi 5 theuh, belhkhawmin 70 in Krismas thilpek hi an dawng a. Thenzawl atangin mi 30, Neihloh khaw mi 10 leh Buangpui khua mi 11 ten thilpek hi an dawng a. Zoar Urban Deprived Children's Home leh Unity Orphanage Home te hnenah sumfai hlan a ni bawk.



## AIZAWL BAZAR

Mizote hunpui ber Krismas chu kar khat vel lekin a dang tawh a, Aizawl khawpuia chak la thahnem tak pungkhawmin, khawpui pawh a tawt chho hle tawh a ni.

Trade & Commerce department hnuai New Market enkawltu Marketing Inspector Pu Vanlalsawma chuan kumdang aiin mipui an pungkhawm chakloa an hriat laiin tunkar Nilaini atangin mipui an tam tan hle tih Akashvani corr a hrih a.

## AMBIENT SOUND BYTE OF VANLALSAWMA.....

Aizawl bazara thawmhnaw zuar Pu Lalnuntluanga chuan nikum aiin kuminah mipui an tam har hreta an hriat thu a sawi ve bawk a. Bawngkawn atanga Aizawl bazar lun lai Dawrpui huamchung thlenga a sumdawngpui hrang hrang a zawhin sum a vang nia an hriat thu a sawi a, inhralh pawh a har deuha an hriat thu a sawi a ni. Hetihlai hian Mizoram sorkarin No Vehicle Zone a siam chu mipuite leh sumdawngte tan thil tha tak ni a a hriat thu Akashvani a hrih bawk.

## BYTE OF LALNUNTLUANGA (On No Vehicle Zone)

Aizawl khawpui chhunga veng hrang hrang pawh an chei chho mek a, bazar huamchungah dawr hrang hrang leh kawthler te chei a ni. Mizoram sorkar chuan kumdang ang bawkin kuminah hian mipuite him taka Krismas leh kumthar vuakveta an bazar theih nan December ni 23, 24 leh ni 31 chawhma dar 10 leh chawhnu dar 4 inkar chu 'No Vehicle Zone' kalpui leh tur a rel a ni.



## AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Chawhnu dar 2 leh a chanve ah Chanchinthar hi puan leh a ni ang.



## VC ASSOCIATION

All Mizoram Village Council Association (AMVCA) in Village Council term pawh tawi chungchanga High Court-a sorkar an khinna chu kumthara High Court hawn a nih veleh ngaihtuah a ni dawn.

AMVCA President Pu K. Lalngaizuala'n Akashvani Correspondent a hrih danin Gauhati High Court, Aizawl Bench-a tun thla ni 6-a sorkar khinna tur an thehluh chu sorkar atanga VC term pawhtawina order hmasa zawk, thla hmasa ni 20-a tihchhuah khinna tur a ni a.

Sorkarin order dang, a tuk, thla hmasa ni 21-a a tihchhuahin order hmasa a luahlan avangin khin theih a ni lo a, order hmasa khinna tur chu hnukdawkin order hnukung zawk khinna tur chu thehluh leh nghal a ni a ti a. Rang taka ngaihtuah an dil nachungin court chuan kumthara High Court hawn hun, January ni 13 emaw ni 14-ah emaw ngaihtuah tura a tih tluk tak thu Akashvani a hrilh a ni.

AMVCA President chuan tha thlah loin High Court-a case an kalpui chu inlungual takin a tawp thleng beih tumin hma an lak chhunzawm zel tih a sawi a ni.

BYTE OF AMVCA PRESIDENT.....

Village Council term kal lai tih tawi a nih thu hi Local Administration department chuan thuchhuah siamin tun thla ni 21 khan nakum February ni 19-ah a tawp dawn thu an lo puang tawh a. Sorkarin financial year thar lo awm tura inthlan hautak tak tak pali awm tur tih zangkhaina tur leh sum renchem a duh avangin Village Council term kallai chu thla 6 in a pawt tawi tih LAD Minister Pu C. Lalsawivunga chuan a lo sawi tawh bawk a ni.

<><><>

PM

Prime Minister Narendra Modi chuan mahakumbh 2025 chu mahayagya inpumkhat na leh intluktlan na ani anga chu chuan india ram pum a kai hrui ang a, khawvel ram hrang hrang ten chu chu an sawi ho ang a ti,he thu hi mahakumbh 2025 hawn a nih hnu a prayagraj sangam area a vantlang inkhawm ah a sawi ani. Mahakumbh 2025 hi January 13 ah tan tur niin a kum leh feb 26 thleng kal pui tum ani. Pu Modi chuan cheng vaibelchhe 5500 vel seng a hmasawna project kapui a heng zing ah hian rel leh kawngpui siam project hrang hrang tel in hei hi prayagraj project nen a kal kawp vek ani bawk. mahakumbh neih chhung hian ram thianghlim prayagraj ah history thar siam anih tur thu a sawi a,hei hi pawl chhung a inpumkhat na entir na leh chi leh chi inthliar na leh intluktlan loh na tih tawpna ani ati. Ek bharat Shreshtha hlut na a entir a chu chuan ram leh hnam a tha zawngin a kaihrui ani ati.

Prime Minister hian temple corridor lian tak2 a hawng bawk a, chung zing ah chuan bharadwaj Ashram corridor, shringverpur dham corridor, Akshayvat corridor, hannum mandir corridor te chu a lian zual niin sorkar chuan hnam nunphung leh ziarang te kan hnam rohlu te tih hmasawna leh hausakna kawng ah hma kan la chhunzawm zel ang ati. swacch leh nirmal ganga lam poh hmasawn na kalpui mek zel in project lian tak tak tapping, diversion te Ganga lui zawmtu tui khuah te zawk enkawl na tur te chu chuan tui thianghlim lo chu zero discharge nih theih na tur in a pui don ani ati.

Prime minister narendra Modi chuan Kumbh SahAlyak chatbox chu tlangzarh in hei hian mahakumbh mela 2025 hmang tur a kal te hnen ah inkaihhrui na te leh thil thleng chanchin kim chang tak in alo pe thin a ni.

<><><>